

HIERACIUM STOLONIFERUM. Caule prostrato, ramoso, hirsuto; foliis lanceolatis, ciliatis; flagellis elongatis; floribus corymbosis, confertis, terminalibus.

Caulis hirsutus, prostratus, 2-3-pedalis, ramosus, ramis longis, flagelliformibus, floralibus, surrectis. Folia caulina sessilia, lanceolata, integra, ciliata, lineas 12-15 longa, 3-4 lata, brevissime mucronata. Rami floriferi superne glabri, foliolis paucis, acutis referti. Flores terminales corymbosi, parvi, conferti, magnitudine *H. florentini*, breviter pedicellati. Calicis folia nonnulla, hispida.

CREPIS PARVIFLORA. Caule angulato, ramoso; foliis inferioribus runcinatis, caulinis sagittatis, amplexicaulibus; floribus terminalibus, corymboso-paniculatis.

Caulis erectus, 1-2-pedalis, basi hirsutus, superne glaber, angulosus, a basi ad apicem ramosus. Folia radicalia et caulina inferiora runcinata, lobis acutis; superiora amplectentia, hastata, lanceolata, mucronata. Flores numerosi, parvi, paniculato-corymbosi, terminales. Calix caliculatus, hispidulus, maturo fructu pyramidatus. Semen gracile, striatum. Pappus villosus, albidus, sessilis.

PICRIS VIRENS. Hirta; foliis radicalibus lato-lanceolatis, dentatis, obtusis, caulinis sessilibus lanceolatis; floribus corymbosis, terminalibus; calice hispido, laxe caliculato.

Caulis 2-3-pedalis, erectus, pilosus, asper, simplex aut parce ramosus, striatus. Folia hirta, radicalia lato-lanceolata, obtusa, subrepanda, dentata, in petiolum utrinque producta, semipedalia aut longiora, unciam 1-2 lata; caulina sessilia, remota, lanceolata, acuta, dentata. Flores corymbosi, terminales. Calix hispidus; caliculi squamæ subulatæ, laxæ. Semina tæretia, transversim striata. Pappus albus, sessilis, plumosus.

ANDRYALA CANDIDISSIMA. Tomentosa; foliis caulinis, lato-lanceolatis, integerrimis, incanis, semi-amplexicaulibus; floribus corymboso-paniculatis.

Caulis erectus, 2-pedalis et ultra, superne ramosus, tomento floccoso, candido vestitus, villosus, villis apice globuliferis, glutinosis. Folia radicalia repando-dentata, lanceolata. Affinis *A. cheiranthifoliæ* L'her. Differt canitie, foliis lato-lanceolatis, latioribus, integerrimis.

CNICUS PUBIGERUS. Caule erecto; foliis amplexicaulibus, lanceolatis, pinnatifidis, lobis inæqualibus, acutis, sæpe furcatis, ciliato-spinosis; pedunculis elongatis, unifloris.

Caulis 4-pedalis aut altior, striatus, ramosus, pubescens. Folia rigida, in acumen producta, subtus pubescenti-lanigera, pinnatifida, lobis lanceolatis, acutis, spina mucronatis, margine ciliato-spinulosis; inferiora lato-lanceolata, pedalia, uncias 3-4 lata. Pedunculi seu rami floriferi longi, uniflori, lanigeri. Flores magnitudine *C. lanceolati*. Calix ovatus, imbricatus, bractea sæpe multifida et spinulosa obvallatus. Squamæ adpressæ, scariosæ, lineari-subulatæ, mucronatæ. Flosculi violacei. Pappus albidus, plumosus.

ARTEMISIA TRIFURCATA. Suffruticosa; foliis sericeis, incanis, angustis, trifurcatis, acutis; ramis floriferis horizontalibus.

GNAPHALIUM GLOBOSUM. Herbaceum; foliis lanceolato-spathula-